

DIALOG



Entre eur Person campagn ag ar Paysan, var sujet all Libera

VAR DON : AR VRAN HAG ALL LOUARN

Gelaout bretoned, eun discour a zo bet,
Bars en eur Barros vras, en deion tremenet,
Tre eur person savant, hag eur pay-an mad,
Var sujet eun ene, deu e gorf da guittat.

Discan.

Ia var sujet libera, ia var sujet libera,
Ia var sujet libera, deridera libera,

Ar Paysan.

Bonjour otrou person, erru on dho coelet,
Allas ma fried paour, en nos man so marvet,
Ag on deut do pedi, vit ma vo delivret,
Lacat an traou ganti, ar c'haera vo gallet.

Canit eta libera, ia var an ton huella,
Canit eta libera, deridera libera,

Ar Person.

Contant bras ma den mad, d'ober vel ma lerefet,
Mes laret dia mar plich, pe seurt class vo laquet,
Rag bea so tri glass, an tu all d'ar beorien,
Vit sovetat an dud, d'eus toull ar binijen.

Canet vo dei libera,

Ar Paysan.

Laret a meus gret dec'h ar c'hlass brassa a zo,
Vo laquet eviti, vit ma vo mad e zro,
A pa rancfen dibi, an anter ma mado,
Vit salvi e ene, assur me a raio.

Canit eta libera,

Ar Person.

Ar c'henta class a so, cant scoet en eur yalc'hat,
An eill a vo gret dec'h, an anter oell marc hat,
Ag an trede erfad, so pemp scoet varn'hugent,
Goelit pini anhe, breman deut da c'houlen

Canet vo dei libera,

Ar Paysan.

Ell lec'h rei dec'h cant scoet, evit ar c'hlass kenta,
Me reio assur daon, mar be vit ar goella,
A pa rancfen guerza, ma divea rochet,
Credil otrou person, ganen vefoc'h paëet.

Canit eta libera,

Ar Person.

Neuze me verco dec'h, evit ar c'hlass kenta,
Rag goelet ran erfad, oc'h eun den ar goella,
O figur a blich din, goelet a ran erfad,
Tispignit oc'h arc'hant, n'eur feçon dillicat.

Evit pea libera,

Ar Paysan.

Larit oferennou, ar muia ma elfet,
Ken a oefoc'h erfad, vo salvet ma fried,
En dro d'ar varscaon vras allumit goulou coar,
Ma nijo e ene, evel eur goulm d'ar gloar.

Canit eta libera,

Ar Person.

Ma laro eviti, cals a oferennou,
M'ar goelan nessesser, me doublo n'hobidou,
Me raio labour vad, credi ellit en se,
Me raio ma fossubl, vit salvi e ene.

Canet vo dei libera,

Ar Paysan.

Doublit ar golistret, sonit carillon bras,
Scuillit dour beniget, hardi leis eur varras,
Evit ma neo labour, ive 'n asperjouer,
Lakit devi ezanz, leun an ezansouer,

Canit eta libera,

Ar Person.

Itu hardi d'ar ger, me raio ma dever,
Me raio tout an traou, a gavin nesseser,
C'houi so eun exempl vad, vit ar baysantet,
Gant Doue er bed all, c'houi vo recompanset,

Evit pea libera,

Ar Paysan.

Neuze otrou person, me c'ha da bartia,
Me a labouro cals, vit gallout o pea
Me labouro er parc, entro pad ar sizun,
Me n'em brivo a dout, memeus d'eus ma butun,

Evit pea libera,

Ar Person da Vates.

Oh, goella den so bet, Mari deus ma c'havet,
Ennes so sur scoer vad, d'an oll baysantet,
N'eus ket feçon binvic all lorc'haj blich dean,
Mes me ne roan forc, ma gall dont d'am fean,

Oh, caerra tra libera,

Ar Paysan.

Bonjour otrou person, do ti e tistroan,
Demeus a galon vad, me so deut do pea,
Ma ellit prouvi din, o p'eus gret labour vad,
Neuze me o peo demeus a galon vad.

Evit cana libera,

Ar Person.

Den a zoujanç Doue, azeet n'ho coaze,
Me c'ha d'ober o cont, ne vo ket pell dale,
C'houi so eun den prudant, c'houi so eun exempl vad,
Oar dispign oc'h arc'hant, n'eur feçon dillicat.

Evit pea libera,

Ar Paysan.

Iscus otrou person, diganec'h c'houlennan,
Celaouit ma reson, mar plich ganec'h breman,
Ma pens ket eur c'hopi, digant or mest divin,
Ellit neuze hardi, croaja var o calpin.

Oh, goassa tra libera,

Ar Person.

Penos monstr ar flammou, a te gredfe em zi,
Insulti mysterriou, d'eus an eucaristi,
Asta buan conti, cant scoet din-me aze,
P'otramant vi daounet, ed an eternite.

Ma beas libera,

Ar Paysan.

C'houi so eun affronter, ag eur flouter bras,
C'houi so eun anter oas, evit ne oa Judas,
C'houi deu da drahissa, misteriou ar c'halver,
Pa deut da verza demp, maro sacr or salver.

En eur verza libera,

Cetu aman otrou, cant scoet en eur yalc hat,
A ne vout ket dec hui, evit ober cher vad,
Pa n'hellit prouvi din, o p'eus gret labour vad,
Me ell assuri dec'h, n'och ket potr dillicat.

Evit cana libera,

Me o ped oll peorien, da zonet da gompren,
En barados Doue, c'houl n'entrefoc'h biken,
Ma na pe ket arc'hant da bea o passaj,
An ilern vit biken, a vo oc'h héritaj.

Ma beait ket libera,

M'ho ped mignonet ker, ne gredit ket en se.
Ep arc'hant antrefomp, en barados Doue,
Mes an oll veleyen, o deus bet invantei,
E renker caout arc'hant, evit bea salvet.

Evit pea libera,

Kement dor so er bed, allas ve digoret
Dre an arc'hant tentus, me oar ma mignonet,
Mes an aour, an arc'hant, en eur bern destumet,
Dor an env birviken, gante vo digoret.

Caer vo cana libera,

FIN,

Propriété réservée de l'Auteur,

TAOC-